

ՀԱՅԿԱԿԱՆ ԴԻՎԻԶԻԱՆԵՐԸ ՀԱՅՐԵՆԱԿԱՆ ՄԵՍ ՊԱՏԵՐԱԶՄԻ ՏԱՐԻՆԵՐԻՆ

ԿԼԻՄԵՆՏ ՀԱՐՈՒԹՅՈՒՆՅԱՆ

Հայրենական մեծ պատերազմի տարիներին հայ ռազմիկների մի զգալի մասը պատերազմին մասնակցեց հայկական 76-րդ, 89-րդ, 261-րդ, 390-րդ, 408-րդ, 409-րդ և այլ դիվիզիաների շարքերում:

Հայկական առաջին դիվիզիան կազմավորվել է 1922 թ. սեպտեմբերի 5-ին՝ Առանձին կովկասյան բանակի ռազմական խորհրդի հրամանով. վերակազմավորման ենթադրված հայկական կարմիր բանակի զորամասերի հիման վրա: Մինչև 1930-ական թվականների սկիզբը միավորումը պաշտոնապես կոչվում էր Հայկական հրաձգային դիվիզիա: 1931 թ. նոյեմբերին այն վերակազմավորվեց լեռնահրաձգային դիվիզիայի, իսկ 1935 թ. դեկտեմբերի 2-ին կոչվեց 4. Ն. Վորոշիլովի անունով: 1936 թ. մայիսի 29-ին դիվիզիան պարզևատրվեց կարմիր դրոշի շքանշանով, իսկ նույն ամսին նրան տրվեց 76-րդ համարը¹:

Հայկական 76-րդ 4. Ն. Վորոշիլովի անվան կարմիրդրոշ լեռնահրաձգային դիվիզիան հատկապես մեծ դեր է խաղացել ազգային զինվորական կազրեր պատրաստելու գործում: Նրա շարքերում իրենց նախնական կոփավածությունն են ստացել հայազգի 2 մարշալ, 40-ից ավելի գեներալներ, 200-ից ավելի գնդապետներ, միջին և կրտսեր հրամկազմի մի քանի հազար սպաներ, հարյուր հազարից ավելի շարքային մարտիկներ:

1938 թ. մարտի 7-ին դիվիզիան, կարմիր բանակի մյուս ազգային զորամիավորումների նման, վերակազմավորվեց և դարձավ համազորային միավորում՝ պահպանելով իր մարտական դրոշը, համարը, տեղադրման վայրը և նյութական միջոցները: Խիստ փոփոխություններ կրեց նաև դիվիզիայի անձնակազմը՝ դառնալով ինտերնացիոնալ: Երբ սկսվեց Հայրենական մեծ պատերազմը, 76-րդ լեռնահրաձգային դիվիզիան համալրվեց ՀՍՍՀ մարդկային և նյութական միջոցներով և կրկին ձեռք բերեց նախկին ազգային տեսքը. նրա անձնակազմի կեսից ավելին կազմեցին հայերը²:

1941 թ. օգոստոսի 25-ին Անդրկովկասյան ռազմաճակատի միավորումներից կազմված զորախմբի կազմում, Սովետական Միության և Իրանի միջև 1921 թ. կնքված պայմանագրի համաձայն, դիվիզիայի զորամասերն անցան սովետա-իրանական սահմանը և օգոստոսի 30-ին հասան Թավրիզ: Սովետական զորքերի մուտքը Իրան, հնարավորություն տվեց կարճ ժամանակամիջոցում այդ երկիրը մաքրել գերմանաֆաշիստական գործակալներից ու ձախողել Իրանը Սովետական Միության դեմ պատերազմի մեջ ներքաշելու հիտլերյան պլանները:

Դիվիզիան Թավրիզում երկար շմնաց: Ռազմաճակատում ստեղծված ծանր կացությունը պահանջում էր մարտունակ նոր ուժեր: Սեպտեմբերի սկզբներին այն վերադառնում է Իրանից և ուղարկվում գործող բանակ: Սեպտեմբերի 27-ին Հարավ-արևմտյան ռազմաճակատի 38-րդ բանակի կազմում Պոլտավայի մարզի Զուտովոյի շրջանի Կոլոբեկեկա, Կանտեմիրովկա, Ֆեոդորովկա տեղամասում դիվիզիան մարտերի մեջ է մտնում գերմանաֆաշիստական դավթիչների դեմ: Մինչև 1941 թ. վերջը նրա զորամասերը պաշտպանական ծանր մարտեր էին մղում Զուտովո-Վալկի-Խարկով-Վոլյանսկ ուղղությամբ, 1942 թ. հունվար-

¹ ՍՍՀՄ պաշտպանության մինիստրության կենտրոնական արխիվ (այսուհետև՝ ՍՍՀՄ ՊՄԿԱ), ֆ. 51-րդ գլխագրիական հրաձգային դիվիզիայի, ց. 1, գ. 2, թ. 1:

² Նույն տեղում, թ. 7:

ապրիլին 76-րդ հրաձգային³ դիվիզիան Հարավ-արևմտյան ռազմաճակատի 21-րդ բանակի կազմում մասնակցում է ձմեռային-գարնանային մարտերին, իսկ մայիսի 11-ից՝ խարկովի հարձակողական գործողությանը։ Ամռան սկզբներին հակառակորդի խոշոր բանակային խմբավորումների առաջխաղացումը մեր զորքերին հարկադրեց ժամանակավորապես նահանջել դեպի արևելք։ Այդ շրջանում դիվիզիայի զորամասերը վերջապահ ծանր մարտերով ապահովում էին 21-րդ բանակի նահանջը։ Հաջողությամբ կատարելով հրամանատարության առաջադրանքը, հուլիսի սկզբներին նրանք անցնում են Դոն դեպի ձախ ափը և համալրվելուց հետո, հուլիսի վերջերից մասնակցում Ստալինգրադյան ճակատամարտին։ Երկարատև ու համառ մարտերից հետո հոկտեմբերի 24-ին դիվիզիայի զորամասերը գրավում են Դոնի աջ ափին գտնվող Կլետսկայա կայարանը և հենակետ ստեղծում այնտեղ։ Հակառակորդի բոլոր ջանքերը՝ հետ խլելու Կլետսկայան, հանդիպելով դիվիզիայի անձնակազմի հերոսական դիմադրությանը, վերջանում են անհաջողությամբ։ Ստրատեգիական կարևոր նշանակություն ունեցող այդ հենակետը պահպանվում է և ամրապնդվում։ Այն մեծ դեր է խաղում սովետական զորքերի 1942 թ. նոյեմբերի 19-ի նշանավոր հարձակման ժամանակ։ Ինչպես հայտնի է, այդ հարձակումն ավարտվեց հաջողությամբ և 1942 թ. նոյեմբերի 23-ին Կալաշ քաղաքից հարավ-արևմուտք ընկած շրջանում Հարավ-արևմտյան և Ստալինգրադյան ռազմաճակատների զորքերը շրջապատման օղակի մեջ վերցրեցին գերմանական 330 հազարանոց խմբավորումը։ Այդ գործում իր արժանի ավանդը ներդրեց նաև 76-րդ հրաձգային դիվիզիան, որը ՍՍՀՄ պաշտպանության ժողովմի 1942 թ. նոյեմբերի 23-ի № 375 հրամանով արժանացավ զվարդիական կոչման և այնուհետև կոչվեց 51-րդ զվարդիական Կ. Ն. Վորոշիլովի անվան կարմրադրոշ հրաձգային դիվիզիա⁴։

Նոյեմբերի վերջերին և դեկտեմբեր ամսվա ընթացքում զվարդիականները ոչ միայն հաջողությամբ ետ էին մղում շրջապատման օղակը ճեղքել ձգտող հակառակորդի բազմաթիվ գրոհները, այլև օրեցօր էլ ավելի ամուր էին սեղմում այն։ Ստալինգրադյան ճակատամարտում ֆաշիստական բանակների հզոր խմբավորման շրջապատմանն ու ոչնչացմանը ակտիվորեն մասնակցելու համար 51-րդ զվարդիական հրաձգային դիվիզիան 1943 թ. հունիսի 19-ին պարգևատրվեց Լենինի շքանշանով⁵։ Դիվիզիան այնուհետև Վորոնիժի ռազմաճակատի 6-րդ զվարդիական բանակի 23-րդ զվարդիական հրաձգային կորպուսի կազմում ակտիվորեն մասնակցում է Կուրսկի ճակատամարտին։ Գվարդիականները հուլիսի 5-ից մինչև օգոստոսի 23-ը դաժան մարտեր են մղում Օրյոլ-Կուրսկ-Բելգորոդ աղեղի հարավային մասում և հակառակորդին հասցնում կենդանի ուժի ու տեխնիկայի մեծ վնասներ։ Կուրսկի ճակատամարտի հաղթական ավարտից հետո դիվիզիան 6-րդ զվարդիական բանակի կազմում, բնակվիմայական դժվարին պայմաններում, պայքարում էր Կալինինի մարզի Նեկել, Նովոսոկոլնիկի, Պուստոշինսկի, Իդրիցայի և Սուտոկինսկի շրջաններին ազատագրման համար։

1944 թ. հունիսի 23-ից մինչև հուլիսի 4-ը զվարդիականները հարձակողական մարտեր էին մղում Բելոռուսիայի հյուսիսային շրջաններում։ Նրանք հաղթահարեցին ջրային չորս արգելք, անցան 250 կմ, ազատագրեցին ավելի քան 200 բնակավայր, այդ թվում Պոլոցկ քաղաքը։ Դիվիզիան հատկապես աչքի ընկավ Արևմտյան Դվինիան հաղթահարելիս, որի համար 15 մարտիկներով շնորհվեց Սովետական Միության հերոսի կոչում։ Նրանց թվում էր նաև եֆ-բեյտոր Արամայիս Սարկիսովը, որը մարտի թեժ պահին իր կյանքի գնով փրկեց ռուս հրամանատարին։

³ Դիվիզիան կրկին հրաձգային էր դարձել 1941 թ. դեկտեմբերի 9-ին։

⁴ «Բանբեր Հայաստանի արխիվներ», 1976, № 3, էջ 174 (այդ ժամանակ դիվիզիայի հրամանատարը գեներալ-մայոր Նիկոլոզ Բավարթեյաձան էր)։

⁵ Նույն տեղում, գ. 2, թ. 28 (այժմ Վոլգոգրադ քաղաքի փողոցներից մեկը, ի պատիվ զվարդիականների կատարած սխրանքի, կոչվում է 51-րդ զվարդիական դիվիզիայի անվամբ)։

Վիտեբսկի մարզում հակառակորդի խոշոր խմբավորման շրջապատման և ջախջախման մարտերին ակտիվ մասնակցություն ունենալու համար դիվիզիային շնորհվեց Վիտեբսկյան, իսկ նրա զնդերին՝ Պյոտցկյան պատվավոր անվանումներ: Այնուհետև դիվիզիան մասնակցեց Հատվիայի ու Հիտվայի ազատագրմանը և իր հաղթական մարտական ուղին ավարտեց Կուռլանդիայում՝ հակառակորդի շրջապատված զորքերի ջախջախումով:

Պատերազմի տարիներին դիվիզիայի հրամանատարությունը շարունակ պահպանում էր իր ավանդական կապերը Սովետական Հայաստանի աշխատավորության հետ։ Նրա պատվիրակությունները 5 անգամ այցելեցին Հայաստան և հանդիպումներ ունեցան հանրապետության բանվորների, կոլտնտեսականների, գիտության, մշակույթի և արվեստի ականավոր գործիչների հետ։ Հայ ժողովուրդն իր հերթին միշտ ուշադրության կենտրոնում էր պահում փառապանծ զվարդիականներին, նրանց ուղարկելով զանազան նվեր-ծանրոցներ, ոգևորող նամակներ և այլն։ Այդ կապերը պահպանվեցին նաև պատերազմից հետո⁶։

Հայկական դիվիզիաների համաստեղության մեջ հիրավի արժանի տեղ է զբաղում 89-րդ Քամայան եռակի շքանշանակիր հրաձգային դիվիզիան, որն իր մարտական ուղին սկսելով Կովկասի նախալեռներից՝ ավարտեց Բեռլինում։ Դիվիզիան կազմավորվեց 1941 թ. դեկտեմբեր—1942 թ. հունվար ամիսներին՝ Երևանում։ Այն ձևավորվեց որպես 474-րդ հրաձգային դիվիզիա, իսկ 1942 թ. հունվարի 8-ին վերանվանվեց 89-րդ հրաձգայինի։ Կազմավորման աշխատանքներն ընթանում էին զնդապետ Սիմոն Զաքիյանի, ապա փոխգնդապետ Անդրանիկ Սարգսյանի գլխավորությամբ։ Սկսած 1942 թ. հունվարից հայերեն լեզվով հրատարակվում է դիվիզիայի քաղբաժնի օրգան «Կարմիր դինյոր» թերթը։

Օգոստոսի 6—11-ը դիվիզիայի զորամասերը երկաթուղով փոխադրվում են Գրոզնի, որտեղ սկզբից մտնում են Անդրկովկասյան ռազմաճակատի Հյուսիսային զորախմբի 24-րդ, իսկ 18-ից՝ 9-րդ բանակի կազմի մեջ։ Դիվիզիան պաշտպանական դիրքեր է գրավում Թերեքի աջ ափին՝ Բենո-Յուրտ-Թերեք-Բալաշով տեղամասում, ետ մղում հակառակորդի տանկերի գրոհները, միաժամանակ պարտադրանքով վճռական հարձակումներ։ Սեպտեմբերի 26-ին, հրետանային նախապատրաստությունից հետո, դիվիզիայի զորամասերն աջակցող ուժերի հետ միասին հարձակման են անցնում՝ նպատակ ունենալով ազատագրել Թերեք, Թերսկոյե և Պերզմոստնի ավանները։ Չնայած 4-օրյա կատաղի մարտերում դիվիզիայի զորամասերին չհաջողվեց ազատագրել այդ ավանները, բայց և այնպես փակվեց թշնամու ճանապարհը դեպի Գրոզնի։ Հոկտեմբերի սկզբներին դիվիզիան դուրս բերվեց բանակի ռեզերվ, որտեղ համալրվեց նոր ուժերով։ Այդ շրջանում դիվիզիայի հրամանատար նշանակվեց գնդապետ Արտաշես Վասիլյանը։

Սկսած հոկտեմբերի 21-ից մինչև դեկտեմբերի վերջերը դիվիզիայի զորամասերը Մալգոբեկի տակ հաջողությամբ ետ էին մղում հակառակորդի զորհները՝ թույլ չտալով նրան ճեղքել-անցնել դպի Գրոզնի: Այդ ժամանակ դիվիզիան մտնում էր սկզբում 44-րդ, ապա 58-րդ բանակի կազմի մեջ:

Ն 343 Թ. հունվարի 1—10-ը դիվիզիան հարձակողական մարտերով կրկնակոխ հետապնդում էր թշնամուն: Հունվարի 2-ին նրա զորամասերը ազատագրում են Մալգոբեկ քաղաքը, 4-ին՝ Համիդիյա բնակավայրը, 6-ին՝ գետանցում Թեբեքը և 10-ին հասնում Սոլդատսկայա: Շարունակելով հակառակորդի հետապնդումը հյուսիս-արևմտյան ուղղությամբ, դիվիզիայի զորամասերը 58-րդ բանակի երկրորդ էջերում և հունվարի 10-ից մինչև փետրվարի 9-ը առաջ են շարժվում Գեորգիևսկ, Միներալնիե-Վոդի, Վորոշիլովսկի, (Ստալինոպոլ), Տիխորեցկ, Գարբուզովսկա բալկա երթուղով: Հասնելով Գարբուզովկայա բալկա դիվիզիան դուրս է բերվում բանակի առաջին էջերն և մարտական առաջա-

դրանք ստանում. երկու դնդերով գրավել Նովո-Ջիրելիևսկայա բնակավայրը ու պատրաստ լինել 417-րդ դիվիզիայի հետ հարձակվելու Ռոգովսկայայի ուղղությամբ: Մյուս գունդը պետք է պաշտպանություն գրավեր Պոդիի շրջանում, արևելքից և հարավ-արևելքից ապահովեր բանակի ձախ թեր: Սակայն թշնամու դարանակալ տանկերի հարձակման հետևանքով փետրվարի 9—10-ին դիվիզիան ծանր կորուստներ է կրում: Զոհվում են գնդապետ Արտաշես Վասիլյանը, 390-րդ գնդի հրամանատար, մայոր Գարեգին Իսախանյանը, 400-րդ գնդի հրամանատարի քաղաքով տեղակալ, մայոր Սուրեն Բաղդասարյանը և շատ ուրիշներ: Չնայած դրան, Նովո-Ջիրելիևսկայան ազատագրվում է թշնամուց⁷:

Կարճ ժամանակամիջոցում որոշ չափով համալրվելով՝ դիվիզիան փետրվարի 15-ին պաշտպանական դիրքեր է գրավում իմաննո-Կիրպիլի, Կուլբիշևսկ բնակավայրերի հարավային և հարավ-արևմտյան շրջաններում: Սակայն նշված բնագծում դիվիզիան երկար չի մնում: Փետրվարի 19-ին, ստանալով 58-րդ բանակի հրամանատարության կարգադրությունը, նրա զորամասերը նոր հրամանատար գնդապետ Նվեր Սաֆարյանի գլխավորությամբ, երթով շարժվում են Ազովի ծովի ափին գտնվող Եյսկ քաղաքը և փետրվարի 25-ից պաշտպանական դիրքեր գրավում Տազանրոգյան ծովածոցի երկայնքով՝ Մարգարիտովկա, Ստարո-Շչերբինովկա բնագծում: Այդտեղ դիվիզիան մնում է մինչև 1943 թ. օգոստոսի վերջերը, ստանում լիարժեք համալրումներ և, Տազանրոգյան ծոցի ափերի պաշտպանության հետ մեկտեղ, նախապատրաստվում հարձակողական մարտերի: Օգոստոսի վերջերին դիվիզիայի զորամասերը երկաթուղով փոխադրվում են հարավ և սեպտեմբերի սկզբներին Հյուսիս-Կովկասյան ռազմաճակատի 18-րդ բանակի կազմում ելման դիրքեր գրավում Շապսուգսկայա, Նիկոլաևսկի, Գապոնովսկի, Նիժնի Բականսկի բնակավայրերի, Սախարնայա գոլովա բարձունքի և Դուլգայա լեռան շրջաններում:

Սեպտեմբերի 9-ից մինչև հոկտեմբերի 4-ը դիվիզիայի զորամասերը հարձակողական մարտեր էին մղում հակառակորդի դեմ՝ մեկը մյուսի ետևից ճեղքելով թշնամու ամրակուռ պաշտպանական գիծը, որը բաղկացած էր իրար հաջորդող 7 շերտերից: Այդ մարտերում ցուցաբերած անօրինակ սխալներին համար դիվիզիայի մարտիկներից Սովետական Միության հերոսի կոչման են արժանանում ավագ սերժանտներ Լուսան Ավետիսյանը, Սուրեն Առաքելյանը և շարքային Զահան Կարախանյանը⁸:

Թամանյան թերակղզին գերմանաֆաշիստական զորքերից մաքրելու մարտական գործողությանն ամենաակտիվ կերպով մասնակցելու և այդ ընթացքում ցուցաբերած արիության համար Գերագույն գլխավոր հրամանատարի 1943 թ. հոկտեմբերի 9-ի հրամանով դիվիզիային շնորհվում է Թամանյան պատվավոր անվանում:

Թամանի ազատագրումից հետո Հայկական 89-րդ Թամանյան հրաձգային դիվիզիան եռանդուն նախապատրաստվում է մարտեր մղելու Կերչում և Ղրիմում: Նոյեմբերի 21—25-ը նրա զորամասերը Կերչի նեղուցով փոխադրվում են թերակղզի և Առանձին մերձծովյան բանակի կազմում 1943 թ. դեկտեմբեր—1944 թ. հունվար-փետրվար ամիսներին մասնակցում Կերչ թերակղզու ազատագրմանը: Կերչի ազատագրման համար մղված մարտերում հրամանատարության առաջադրանքներն օրինակելիորեն կատարելու և այդ ընթացքում ցուցաբերած արիության ու քաջության համար դիվիզիան ՍՍՀՄ Գերագույն սովետի նախագահության 1944 թ. ապրիլի 24-ի հրամանագրով պարգևատրվում է Կարմիր աստղի շքանշանով:

1944 թ. ապրիլի 11-ից մինչև մայիսի 12-ը դիվիզիան մերձծովյան բանակի 3-րդ լեռնահրաձգային կորպուսի կազմում մասնակցում է Ղրիմի թերակղզու և հատկապես Սևաստոպոլի ազատագրմանը: Այդ ընթացքում հրամա-

7 Ի պատիվ Նովո-Ջիրելիևսկայի ազատագրման 35-ամյակի, 1978 թ. ավանի փողոցներից մեկը վերանվանվել է Հայկական 89-րդ հրաձգային դիվիզիայի անվան:

8 Դիվիզիայի առաջին հերոսներն այդ բարձր կոչմանն արժանացել են հետմահու՝ ՍՍՀՄ Գերագույն սովետի նախագահության 1944 թ. մայիսի 16-ի հրամանագրով:

նատարության առաջադրանքներն օրինակելիորեն կատարելու և ցուցաբերած հերոսության, տոկոսության ու արիության համար դիվիզիան ՍՍՀՄ Գերագույն սովետի նախագահության 1944 թ. մայիսի 24-ի հրամանագրով պարգևատրվում է Կարմիր դրոշի շքանշանով, իսկ նրա 390-րդ և 400-րդ հրաձգային գնդերը՝ Գերագույն գլխավոր հրամանատարի 1944 թ. մայիսի 24-ի հրամանով ստանում են Սևաստոպոլյան պատվավոր անվանում⁹։ Մայիսի 7—12-ը Սևաստոպոլի համար մղված մարտերում առավել աչքի ընկած և հերոսական սխրանքներ կատարած ավագ սերժանտներ Ալդին Հարությունյանին, Վարդգես Ռոստոմյանին, Հարություն Մկրտչյանին, լեյտենանտներ Խորեն Խաչատրյանին և Սիմոն Բաղդասարյանին ՍՍՀՄ Գերագույն սովետի նախագահության 1945 թ. մարտի 24-ի հրամանագրով շնորհվեց Սովետական Միության հերոսի կոչում։

Սևաստոպոլի հերոսամարտերից հետո դիվիզիայի զորամասերը մինչև ռոստոսի վերջերը մնում են Ղրիմում, կատարելագործում իրենց մարտական վարպետությունը և, միաժամանակ, Բիլուկ-Օնլարի և Զուլսկի շրջաններում մասնակցում հացահատիկի բերքահավաքի աշխատանքներին։

Օգոստոսի 30-ից դիվիզիայի զորամասերը փոխադրվում են Լեհաստան և սեպտեմբերի 12-ին կենտրոնանալով Մեկնիկ, Ադամովա Զաստավա շրջանում՝ մտնում են 1-ին Բելոռուսական ռազմաճակատի 33-րդ բանակի 16-րդ հրաձգային կորպուսի կազմի մեջ։ Մինչև հոկտեմբերի կեսերը դիվիզիայի զորամասերը վարժվում էին հակառակորդի դիրքային պաշտպանությունը ճեղքելուն, հոկտեմբերի 19—26-ը նրանք տեղափոխվում են Լյուբլինից 6 կմ հարավ-արևելք ընկած Կոմասացիայի շրջան, իսկ 1945 թ. հունվարի 5-ին՝ Վարշավայից հարավ Վիսլա գետի ձախ ափին գտնվող Պոլավիի հենակետը, հունվարի 14—29-ը դիվիզիայի զորամասերը հարձակողական հաջող մարտեր են մղում անտառներում, առանձին հենակետերում և բնակավայրերում՝ շրջապատված հակառակորդի խմբավորումների ոչնչացման նպատակով։ Առանձնապես համառ մարտեր ծավալվեցին հունվարի 17—19-ը՝ Ռուսկի Բրուգ կոչվող բնակավայրի մոտ գտնվող անտառում՝ թշնամու ավելի քան 6000 մարդուց բաղկացած խմբավորման ոչնչացման ժամանակ, որտեղ հերոսաբար զոհվեցին դիվիզիայի հրամանատարի շարային գծով տեղակալ, գնդապետ Գրիգոր Բլուբուլյանը, 531-րդ հրետանային գնդի հրամանատար, փոխգնդապետ Վասիլի Տինսկին, ժանր վիրավորվեց 390-րդ հրաձգային գնդի հրամանատար, գնդապետ Նրվանդ Կարապետյանը։

Հունվարի 29-ին դիվիզիայի զորամասերը մարտերով անցան ֆաշիստական Գերմանիայի սահմանը։ Կրկակոխ հետապնդելով թշնամուն, նրանք փետրվարի 16-ին Օդերի Ֆրանկֆուրտից 3,5 կմ հարավ գետանցում են Օդերը և 2,5 կմ երկարություն ու 700—800 մ խորություն ունեցող հենակետ գրավում նրա ձախ ափին։ Ստրատեգիական կարևոր նշանակություն ունեցող այդ հենակետը դիվիզիան պաշտպանում է մինչև ապրիլի 16-ը։ Ապրիլի 16-ից մինչև մայիսի 2-ը դիվիզիան 1-ին Բելոռուսական ռազմաճակատի 33-րդ բանակի, ապա 3-րդ հարվածային բանակի 38-րդ հրաձգային կորպուսի կազմում մասնակցում է Բեռլինի գրավման մարտական գործողությանը։ Ապրիլի 16-ի առավոտյան անցնելով հարձակման, դիվիզիան կատաղի մարտերով շարժվում է դեպի Բեռլին՝ գրավելով Ցեյցցնով, Օդերի Ֆրանկֆուրտ քաղաքները¹⁰։ Ապրիլի 29-ին այն արդեն փողոցային մարտեր էր մղում Բեռլինում, որտեղ Հումբոլդ-Հայն այգում հանդիպում է պաշտպանական հզոր ամրություններ ունեցող բերդի կայազորի կատաղի դիմադրությանը։ Մայիսի 2-ի ժամը 14-ին ամրոցի կայազորը անձնատուր է լինում։ Դիվիզիայի զորամասերը գերի են վերցնում գերմանական 5112 զինվոր ու սպա, գրավում հարուստ ավար։

⁹ ՍՍՀՄ ՊՄԿԱ, ֆ. 89-րդ հրաձգային դիվիզիայի, ց. 2, գ. 31, թ. 276—277։

¹⁰ Օդերի Ֆրանկֆուրտ քաղաքի գրավման ժամանակ ցուցաբերած հերոսության համար 1946 թ. մայիսի 15-ին Սովետական Միության հերոսի կոչման արժանացավ 400-րդ հրաձգային գնդի առաջին գումարտակի հրամանատար, մայոր Հրանտ Բաբայանը։

Բեռլինի գրավման մարտերի ժամանակ հակառակորդի պաշտպանությունը ճեղքելու և ցուցաբերած սխրանքների համար 1945 թ. մայիսի 28-ին դիվիզիան պարգևատրվում է Կուտուզովի 2-րդ աստիճանի շքանշանով: Բեռլինի գրավումից հետո դիվիզիան շարժվում է դեպի արևմուտք և հաղթանակը դիմավորում էլբայի ափերին:

Սկսած 1942 թ. օգոստոսի 8-ից մինչև 1945 թ. մայիսի 9-ը թամանցիներն անցան 7250 կմ, որից 3640-ը՝ համառ մարտերով: Այդ ընթացքում նրանք ֆաշիստական օկուպացիայից ազատագրեցին ավելի քան 900 բնակավայր և 30 քաղաք: Մարտական գործողությունների ընթացքում դիվիզիայի ավելի քան 12000 մարտիկներ և սպաներ պարգևատրվեցին մարտական շքանշաններով ու մեդալներով: Նրանցից 9-ը արժանացան Սովետական Միության հերոսի կոչման, իսկ 8-ը դարձան Փառքի շքանշանի բոլոր աստիճանների լրիվ ասպետ: Դիվիզիան պատերազմի հաղթական ավարտից հետո վերագրված Սովետական Հայաստան, որտեղ մարտական-քաղաքական ուսուցման ասպարեզում իր ցուցանիշներով առաջնակարգ տեղ գրավեց Անդրկովկասյան կարմրադրոշ դինվորական օկրուգի միավորումների մեջ: Այն լուծարվեց ենթարկվեց 1956 թ.¹¹,

Հայրենական մեծ պատերազմի տարիներին փառապանծ մարտական ուղի անցավ նաև 409-րդ հրաձգային դիվիզիան: Այն կազմավորվել է 1941 թ. օգոստոսի 26-ին՝ Սովետական Հայաստանում: 1942 թ. փետրվարի 5-ին դիվիզիան պաշտոնապես ստանում է Հայկական անվանում: Նրա առաջին հրամանատարը զնդապետ Արտաշես Վասիլյանն էր¹², 1942 թ. փետրվարի 23-ից հայերեն լեզվով սկսեց հրատարակվել դիվիզիայի քաղաքային «Մարտական դրոշ» թերթը:

1942 թ. դեկտեմբերի 1—8-ը դիվիզիայի զորամասերը փոխադրվեցին Մոզդոկի շրջան, մտան 44-րդ բանակի կազմի մեջ և կենտրոնացան Մեկենսկայա, Նիրկովո Բեզդոնկինո տեղամասում: Մոտ մեկ ամիս տևած պաշտպանական մարտերում դիվիզիան ծանր կորուստներ կրեց, բայց կարողացավ կատարել բանակի հրամանատարության առաջադրանքը՝ փակել թշնամու առաջխաղացումը: 1943 թ. հունվարի սկզբներին դիվիզիան, բանակի մյուս միավորումների հետ միասին, անցավ հարձակման: Մինչև ապրիլ ամիսն այն կատարել մարտերով Թերեբլեց հասավ Կուբան (շուրջ 1000 կմ)՝ ազատագրելով Չեչենո-Ինգուշական ԽՍՀ-ի, Ստավրոպոլի և Կրասնոդարի երկրամասերի բազմաթիվ քաղաքներ, գյուղեր ու բնակավայրեր: Այդ մարտերում դիվիզիան մարտնչում էր 44-րդ, 58-րդ, 37-րդ, 9-րդ և 46-րդ բանակների կազմում: Ապրիլի սկզբներին դիվիզիայի զորամասերը փոխադրվեցին Դոնի-Ռոստովի մարզի Մլլենրովցի շրջան, որտեղ մեացին մինչև հուլիսի 12-ը, իսկ այնուհետև տեղափոխվեցին հարկովի մարզ: Սկսած օգոստոսի 24-ից դիվիզիայի զորամասերը թշնամու դեմ հարձակողական մարտեր էին մղում հարկով-Լոգովայա երկաթգծի ուղղությամբ: Սեպտեմբերի 20-ին Նովո-Պոդկոլյասո, Մոզդիկ-2, Մոլդովկա, Դոմոտկան բնակավայրերից հյուսիս-արևելք դիվիզիայի զորամասերը հակառակորդի ափիսիայի ուժակոծության տակ գետնացեցին Դենպրը և մարտերը շարունակեցին նրա աջ ափին: Ապա դիվիզիան, մարտերով ազատագրելով մի շարք բնակավայրեր, մոտեցավ Կոկույ-Ռոգին: Հետագայում դիվիզիան 7-րդ զարդրական բանակի կազմում հատկապես աչքի ընկավ Կիրովոգրադ քաղաքի համար մղված մարտերում, որն աշատագրվեց 1944 թ. հունվարի 7-ին: Հաջորդ օրը Դեռագույն գլխավոր հրամանատարի հրամանով մի շարք միավորումների, որոնց թվում էր 409-րդ դիվիզիան, շնորհվեց Կիրովոգրադյան պատվավոր անվանում:

¹¹ Դիվիզիայի մարտական ուղու մասին ավելի մանրամասն տե՛ս Ս. Մ. Նալբանդյան, Թամանցիները, Երևան, 1961, Դ. Մ. Դավթյան, Մարտական Տ9, Երևան, 1966, Ե. Ա. Կարապետյան, Անժամհոյան հանապարհով, Երևան, 1969, Ա. Մ. Հակոբյան, Հերոսական մարտերում, Երևան, 1975, Խ. Հ. Բարոնդյան, Կրակների միջով, Երևան, 1982 և այլն:

¹² 1942 թ. նոյեմբերի 6-ից մինչև 1943 թ. հունվարի 8-ը դիվիզիայի հրամանատարը՝ զնդապետ Վասիլի Գլադկովն էր, այնուհետև, մինչև 1943 թվականի դեկտեմբերի 4-ը զնդապետ Մխիթար Դորրովոլուկին: Վերջինիս փոխարինեց զնդապետ Գավրիլ Սոբոկինը:

1944 թ. փետրվարի 7-ին դիվիզիայի հրամանատար նշանակվեց գեներալ-մայոր Եվստաֆի Գրեյանին, որն այդ պաշտոնում մնաց մինչև պատերազմի ավարտը։ Նրա գլխավորությամբ շարունակելով հարձակումը Կիրովոգրադից հարավ-արևմտյան ուղղությամբ, դիվիզիայի զորամասերը մասնակցեցին Պոմոշնայա և Նովոուկրաինկա երկաթուղային խոշոր կայարանների ազատագրմանը, որի համար 1944 թ. մարտի 29-ին դիվիզիան պարգևատրվեց Բոգդան խմելնիցկու 2-րդ աստիճանի շքանշանով։

Հայկական 409-րդ հրաձգային դիվիզիան ակտիվորեն մասնակցեց նաև Յասսի-Քիշինևյան գործողությանը՝ Քիշինևի ուղղությամբ։ Դիվիզիայի խոշոր նվաճումն էր Բախուշի շրջանում ֆաշիստական զորքերի մնացորդների վերացումը։ Յասսի-Քիշինևյան գործողության ավարտից հետո, դիվիզիայի զորամասերը Ռումինիայի տարածքում հետապնդելով հակառակորդի նահանջող ուժերին, սեպտեմբերի վերջերին դուրս եկան Հունգարիայի պետական սահմանը։ Այնուհետև, Հունգարիայում դիվիզիան մասնակցեց Դեբրեցենյան և Բուդապեշտյան մարտական գործողություններին։

1944 թ. հոկտեմբերի 6-ին դիվիզիան, 53-րդ բանակի 27-րդ գվարդիական հրաձգային կորպուսի կազմում, Հունգարական Կունագոտա և Մեզեկովաշհազա բնակավայրերի մոտ ճեղքեց հակառակորդի պաշտպանությունը և 9-ին Տոսնգ, Տիսսա-Վարկոն բնակավայրերի շրջանում հաղթահարելով Տիսսա գետը, նրա աջ ափին հենակետ գրավեց։ Մինչև հոկտեմբերի 16-ը դիվիզիայի զորամասերն իրենց ձեռքում էին պահում հենակետը։ Այնուհետև նրանք հենակետի պաշտպանությունը հանձնեցին մեկ այլ միավորման և տեղափոխվեցին Տյորենկսենտմիկլոշ քաղաքից արևմուտք։ Հոկտեմբերի 18-ին հակառակորդը այդ տեղամասում կենտրոնացնելով զգալի ուժեր՝ տանկերի ու զրահատրանսպորտայինների աջակցությամբ դիմեց հակագրոհի։ Թշնամուն հաջողվեց ճեղքել դիվիզիայի պաշտպանությունը և մինչև հոկտեմբերի 20-ը դուրս գալ նրա թիկունքը։ Սակայն դիվիզիան անկորուստ դուրս եկավ շրջապատումից և հոկտեմբերի 23-ին կենտրոնացավ խեկի շրջանում։

409-րդ հրաձգային դիվիզիան աչքի ընկավ նաև Բուդապեշտյան գործողության ժամանակ՝ գործելով 7-րդ գվարդիական բանակի 25-րդ գվարդիական հրաձգային կորպուսի կազմում։ 1944 թ. հոկտեմբերի 31-ին նրա զորամասերը կրկին հաղթահարեցին Տիսսան, ապա Զադվա գետը և գրավեցին Պուստամոնոշտոր քաղաքը, որը գտնվում է Բուդապեշտի արևելյան մատույցներում։ Շարունակելով առաջխաղացումը, դեկտեմբերի 9-ին դիվիզիան արդեն մարտեր էր մղում Բուդապեշտի Ֆոտ արվարձանում։ Դիվիզիան ակտիվ դեր խաղաց նաև Բրատիսլավայի ազատագրման մարտերում, որի համար 1945 թ. մայիսի 17-ին արժանացավ Բրատիսլավյան պատվավոր անվանման։ Բրատիսլավայի ազատագրումից հետո, դիվիզիայի զորամասերը մասնակցեցին Պրագայի ազատագրման մարտական գործողություններին և իրենց ուղին ավարտեցին Չեխոսլովակիայի մայրաքաղաքի մատույցներում՝ Ստրիտեժ-Պետրովիկի շրջանում, որտեղ և դիմավորեցին հաղթանակը։ Դրանից հետո դիվիզիան տեղափոխվեց Հունգարիա, ուր 7-րդ գվարդիական բանակի հրամանատարի 1945 թ. հուլիսի 2-ի հրամանի համաձայն լուծարել ենթակրվեց։

Հայրենական մեծ պատերազմի տարիներին գոյություն ունեցած հայկական դիվիզիաներից միակը, որը չի կազմավորվել Սովետական Հայաստանում, 390-րդ հրաձգայինն էր։ Այն կազմավորվել էր Վրացական ՍՍՀ տարածքում, 1941 թ. օգոստոսին։ Դիվիզիան մտնում էր Անդրկովկասյան ռազմաճակատի 46-րդ բանակի կազմի մեջ։ Նրա առաջին հրամանատարն էր գրե՛ղապետ Իվան Վինոգրադովը։ 1941 թ. նոյեմբերի 24-ից դիվիզիան մտավ 51-րդ բանակի կազմի մեջ և փոխադրվեց Թամանյան թերակղզի։ Դիվիզիայի զորամասերը բանակի մյուս միավորումների հետ միասին նախապատրաստվում էին մտնել Կերչի թերակղզի և իրազործել Կերչ-Թեոդոսյան ղեսանտային գործողությունը, որի հիմնական նպատակը Ղրիմի ազատագրման համար պայմանների ստեղծումն էր։ Մարտական գործողությունը սկսվեց 1941 թ. դեկտեմբերի 25-ին։ Կլիմայական բարդ պայմաններում 51-րդ և 44-րդ բանակների 6 դիվի-

զիա, 2 բրիգադ և 2 լեռնահրաձգային գունդ Սևծովյան նավատորմի և Ազովի նավատորմի կից աջակցությամբ դեռևս իջեցվեցին թերակղզու հյուսիս-արևելյան ափերին և Թեոդոսիայի նավահանգստում: Մինչև 1942 թ. հունվարի 2-ը Կերչի թերակղզին ամբողջովին մաքրվեց թշնամուց: Վերջինս ստիպված էր Սևաստոպոլը պաշարած իր զորքերի մի մասը նետել դեպի նախափնիկները: Մայր առան արյունահեղ մարտեր, որոնց ակտիվորեն մասնակցում էր նաև 390-րդ հրաձգային դիվիզիան, վերջինս թերակղզի փոխադրվեց 1941 թ. դեկտեմբերի 26—30-ին և մարտերի մեջ մտավ Բախչիլի գյուղի ուղղությամբ:

Մինչև 1942 թ. հունվարի 19-ը դիվիզիայի զորամասերը Կորպելից արևմուտք ընկած Սեիդ Հասան, Ակ-Մոնայ, Սեմիստոկա բնագծում հերոսաբար հտ էին մղում հակառակորդի կատաղի գրոհները: Այնուհետև մինչև մարտի 5-ը նրանք պաշտպանվում էին հիշյալ բնագծում, միաժամանակ նախապատրաստվելով հարձակման: Այդ շրջանում դիվիզիան ստացավ նոր համալրում և փետրվարին վերակազմավորվեց հայկական միավորման: Նրա անձնակազմի գերակշռող մասը կազմեցին հայերը: 1942 թ. փետրվարի 24-ին հայկական 390-րդ հրաձգային դիվիզիայի հրամանատարությունը ստանձնեց զնդապետ Սիմեոն Զաքիյանը: 1942 թ. մարտի 13-ից սկսեց հայերեն լեզվով հրատարակվել դիվիզիայի «Հայկական սնայպեր» թերթը:

Մարտի 18-ին 51-րդ բանակի միավորումները վերսկսեցին հարձակումը: Զգալի հաջողության հասավ 390-րդ հրաձգային դիվիզիան, որը 55-րդ տանկային բրիգադի աջակցությամբ, հաղթահարելով թշնամու դիմադրությունը, գրավեց նրա պաշտպանության գոտու առաջին երկու խրամատները և ամրապնդվեց այնտեղ: Հավաքելով ուժերը, հակառակորդը հրետանային ուժեղ նախապատրաստությունից հետո, որն ուղեկցվում էր ավիացիայի զանգվածային հարվածներով և տանկային հզոր ուժերի աջակցությամբ, մարտի 20-ին անցավ հարձակման, նպատակ ունենալով հտ մղել իր պաշտպանության մեջ սեպված սովետական զորամասերին: Կատաղի մարտերը շարունակվեցին մինչև մարտի 20-ի օրվա վերջը և ավարտվեցին հակառակորդի 22-րդ տանկային դիվիզիայի ջախջախումով¹³: Փաշիստական հրամանատարության մտադրությունը՝ ձեռք բերել 51-րդ բանակի պաշտպանությունը և դուրս գալ Կերչի ծովածոց, ավարտվեց անհաջողությամբ: Այդ գործում իր արժանի ավանդը ներդրեց նաև 390-րդ հրաձգային դիվիզիան:

Դիվիզիան մասնակցեց նաև Կոյ-Հասանի ուղղությամբ մարտի 26-ին սովետական զորքերի սկսած հարձակմանը: Հատկապես աչքի ընկավ 789-րդ հրաձգային գունդը, որը 5 տանկերի աջակցությամբ կարողացավ առաջ շարժվել 2 կմ և կրակի տակ վերցնել կարևոր երկաթուղային կամուրջը: Սակայն, բնահանուր առմամբ, բանակի միավորումներին չհաջողվեց գրավել հակառակորդի Կոյ-Հասան պաշտպանական հանգույցը և մարտի 31-ից դրանք անցան էջելոնացված պաշտպանության: 390-րդ հրաձգային դիվիզիան դուրս բերվեց բանակի թիկունքային բնագծից: Հենց այդ օրն էլ հակառակորդի ռումբի բեկորից մահացու վերք ստացավ զնդապետ Սիմեոն Զաքիյանը, որն ապրիլի 2-ի առավոտյան մահացավ: 1942 թ. ապրիլի 1-ին Հայկական 390-րդ հրաձգային դիվիզիայի հրամանատարությունը ստանձնեց զնդապետ Իվան Լյուդնիկովը:

Ապրիլ ամսվա և մայիսի առաջին օրերի ընթացքում 390-րդ դիվիզիան գտնվում էր բանակի ռեզերվում և հակառակորդի հետ անմիջական շփում չունեցավ: Այդ ժամանակամիջոցը դիվիզիայի հրամանատարությունն օգտագործում էր անձնակազմը համալրելու, նորակույիկներին նախապատրաստելու, մարտական և քաղաքական պատրաստությունը բարձրացնելու համար: Վաշտերում և զոմարտակներում ստեղծվում էին տանկեր կործանողների խմբեր: Մեծ ուշադրություն էր դարձվում Սովետական Հայաստանի աշխատակողմության հետ ունեցած կապերի ամրապնդմանը: Փոփոխություն կատարվեց նաև դիվիզիայի հրամանատարական կազմում: Ապրիլի 17-ին զնդապետ Իվան

¹³ С. М. Саржпсьяж, 51-я Армия, М., 1983, с. 60—61.

կուղերիկովը նշանակվեց 138-րդ հրաձգային դիվիզիայի հրամանատար, իսկ նրան փոխարինեց գնդապետ Հմայակ Բաբայանը¹⁴։

Մայիսի առաջին տասնօրյակին Ղրիմի ռազմաճակատի զորքերի դրուժյունը խիստ վատացավ։ Հակառակորդը նորանոր ուժեր կուտակելով, մայիսի 7-ին անցավ հարձակման։ Նրան հաջողվեց ռազմաճակատի ձախ թևում ճեղքել մեր պաշտպանությունը և շարժվել Թուրքական պատնեշի ուղղությամբ։ 51-րդ բանակի զորքերն արիաբար ետ էին մղում հակառակորդի ճակատային գրոհները և, միաժամանակ, միջոցներ փնտրում ձախ թևում առաջացած ճեղքվածքը փակելու համար։ Այդ նպատակով բանակի հրամանատարի հրամանով 390-րդ դիվիզիան Ագիբեյի շրջանից տեղափոխվեց Արմա-էլի։ Առաջինը նշված բնագիծ հասավ և մարտերի մեջ մտավ 789-րդ հրաձգային գունդը, որի անձնակազմի հերոսական ջանքերով հաջողվեց այդ տեղամասում կանգնեցնել հակառակորդի առաջխաղացումը։ Դա դիվիզիայի հիմնական ուժերին հնարավորություն տվեց կրակային դիրքեր գրավել հատկացված բնագծում։ Ճեղքվածքը փակելու նպատակով բանակի հրամանատարությունը փորձում էր այնտեղ կենտրոնացնել նաև այլ ուժեր։ Սակայն հակառակորդի ավիացիայի արատակարգ բարձր ակտիվության, ինչպես նաև ծանր հրետանու հզոր հարվածների հետևանքով այդ ուժերի մի զգալի մասը չկարողացավ կատարել մարտական առաջադրանքը ու կրեց մեծ կորուստներ։ Ծանր կորուստներ կրեց նաև 390-րդ դիվիզիան։ Ումբակոծության ժամանակ, մայիսի 9-ին, Արմա-էլի շրջանում զոհվեց դիվիզիայի կոմիսար Թորգոմ Շահինյանը, վիրավորվեց հրամանատար Հմայակ Բաբայանը։ Նրանց փոխարինեցին Սուրեն Թովմասյանն ու Բագրատ Դանիելյանը։ Դիվիզիայի քաղբաժնի պետի պաշտոնը ստանձնեց Լիպարիտ Վարդանյանը։

Ձնայած սովետական ռազմիկների հերոսական դիմադրությանը, նրանց չհաջողվեց կասեցնել հակառակորդի առաջխաղացումը։ Մինչև մայիսի 14-ը ֆաշիստական զորքերը Կերչից 3—4 կմ հարավ ընկած տեղամասում դուրս եկան նեղուցի ափերը և հիմնական ուժերից կտրեցին դեպի էլտիգեն և Կամիշ-Բուրուն ետ քաշվող սովետական զորամասերից շատերին։ Ի վերջո հակառակորդին հաջողվեց մայիսի 14-ին հարավ-արևմուտքից ճեղքել մեր զորքերի պաշտպանությունը և դուրս գալ Կերչի արվարձանները։ Դրուժյունը դարձավ անհուսալի, ուստի Հյուսիս-Կովկասյան ուղղության զլխավոր հրամանատար, Սովետական Միության մարշալ Ա. Բուդյոնին Գերագույն զլխավոր հրամանատարության զորակայանի թույլտվությամբ հրաման արձակեց Ղրիմի ռազմաճակատի զորքերը Կերչի թերակղզուց դուրս բերելու մասին։ Մինչև 1942 թ. մայիսի 20-ը ռազմաճակատի զորքերը կազմակերպված ձևով դուրս բերվեցին Կերչից և կենտրոնացվեցին Թամանյան թերակղզում։ Զորքերի ծովով փոխադրումն ապահովող բազմաթիվ մարտիկներ, որոնց չհաջողվեց տեղափոխվել Թաման, մտան Հաջիմուրզկայի քաղաքները և շարունակեցին պայքարը։

Թամանյան թերակղզի փոխադրած զորքերի մեջ էր նաև Հայկական 390-րդ հրաձգային դիվիզիան։ Այն կենտրոնացավ Մտարոտիտարևսկայայի շրջանում, որտեղ և 1942 թ. հունիսի 14-ին կազմալուծվեց։

Սովետական Հայաստանի տարածքում կազմավորված մյուս հայկական դիվիզիան 408-րդ հրաձգայինն էր։ Այն կազմավորվեց 1941 թ. օգոստոսի 9-ին։ Կազմավորման աշխատանքներն ավարտվեցին սեպտեմբերի 25-ին։ Դիվիզիան մտնում էր Անդրկովկասյան ռազմաճակատի 45-րդ բանակի կազմի մեջ։ 1942 թ. մարտ-ապրիլին դիվիզիան վերակազմավորվեց և պաշտոնապես ստացավ Հայկական անվանում¹⁵։ Դիվիզիայի հրամանատար նշանակվեց գնդապետ Պ. Կիցուկը։ 1942 թ. մարտի 15-ից դիվիզիայի քաղբաժինը սկսեց հայերեն հրապարակել «Հանուն Հայրենիքի» թերթը։

Մինչև ռազմաճակատ մեկնելը դիվիզիայի հիմնական խնդիրը սովետաթուրքական սահմանի մի հատվածի պաշտպանությունն էր, ինչպես նաև ռազ-

¹⁴ Հետագայում գեներալ-մայոր, Սովետական Միության հերոս, զոհվեց 1945 թ. ապրիլի 22-ին Բեռլինի համար մղված ճախատաժարտում։

¹⁵ ՍՍՀՄ ՊՄԿՄ, ք. 45-րդ բանակի, ք. 28507, գ. 1, թ. 86։

մաճակատի համար երթային վաշտերի պատրաստումը, 1942 թ. սեպտեմբերի 11-ից մինչև 18-ը դիվիզիայի զորամասերը փոխադրվեցին Փոթի, այնտեղից էլ Տուապսե, ապա, կատարելով երթային արշավ, ելման դիրքեր գրավեցին Նովո-ռոսիյսկի շրջանում՝ Յեմեսի ու Ռիբացկի ծովախորշերում և Կաբարդինկա տեղամասում։ Դիվիզիան մտնում էր 47-րդ համազորային բանակի կազմի մեջ, որի հրամանատարն էր գեներալ-լեյտենանտ Ա. Գրեչկոն (հետագայում Սովետական Միության մարշալ)¹⁶։ Հրետանային և ավիացիոն նախապատրաստությունից հետո բանակի միավորումներն ու զորամասերը 1942 թ. սեպտեմբերի 25-ի սուսլոտյան անցան հարձակման և մինչև սեպտեմբերի 27-ը տևած դաժան մարտերում գրեթե ամբողջությամբ ոչնչացրին 3-րդ ռումինական լեռնահրաձգային դիվիզիան։ Դրանից հետո գերմանաֆաշիստական զորքերը Նովոռոսիյսկի ուղղությամբ անցան պաշտպանության, և այլևս այստեղ խոշոր ուժերով հարձակվելու փորձեր չարեցին։ Այսպիսով, շնորհիվ 47-րդ բանակի հերոսական ջանքերի, որում արժանի ավանդ ունեւր նաև Հայկական 408-րդ հրաձգային դիվիզիան, ձախողվեց Նովոռոսիյսկի վրայով Անդրկովկաս ներխուժելու հիտլերյան պլանը։ Գործելով հարձակման գլխավոր ուղղությամբ՝ Աբին գետի երկայնքով դեպի Կրասնայա Պրեդա և Սկաժոննայա Բաբա բնակավայրերը, դիվիզիայի զորամասերը համառ մարտերում թշնամուն հասցրին ուժեղ հարվածներ՝ նրան ստիպելով ետ քաշվել դեպի Աբինսկայա։ Հետապնդելով թշնամուն, դիվիզիայի 672-րդ հրաձգային գունդը ազատագրեց Զուսատովո, էրիվանսկի, Լինդոլով, Գրեչսկի 1-ին, Կրասնայա Պրեդա բնակավայրերը։ Սեպտեմբերի 27-ին հակառակորդը էրիվանսկի և Լինդոլովի ուղղությամբ դիմեց հակադրոհի, բայց, հանդիպելով ուժեղ հակահարվածի, վերջնականապես ետ շարժվեց¹⁷։

Նովոռոսիյսկի տակ պարտություն կրելուց հետո, գերմանաֆաշիստական հրամանատարությունը որոշեց փոխել հարձակման ուղղությունը և հիմնական ջանքերը կենտրոնացնել Տուապսեի ուղղությամբ։ Թշնամու մտադրությունը խափանելու նպատակով Սեժովյան խմբավորման հրամանատարությունն անհրաժեշտ միջոցառումներ ձեռնարկեց Տուապսեի ուղղությամբ գործող իր բանակները ուժեղացնելու և Տուապսեի պաշտպանական շրջանի ամրապնդման համար։ Մասնավորապես ուժեղացվեց 18-րդ բանակը, որի մեջ մտցվեցին մի շարք նոր միավորումներ, այդ թվում նաև Հայկական 408-րդ հրաձգային դիվիզիան։ Դիվիզիայի փոխադրման հրամանը տրվեց սեպտեմբերի 28-ին՝ 47-րդ բանակի հրամանատար Ա. Գրեչկոյի կողմից։ Այդ հրամանի համաձայն դիվիզիայի հիմնական ուժերը, առանց 672-րդ հրաձգային գնդի, 963-րդ հրետանային գնդի 1-ին և 2-րդ դիվիզիոնների և վարժական գումարտակի¹⁸, մինչև հոկտեմբերի 2-ը նավերով փոխադրվեցին Տուապսեի պաշտպանական շրջան, որտեղ անցան 18-րդ բանակի հրամանատարի օպերատիվ ենթակայության տակ։ Հոկտեմբերի 3-ին դիվիզիայի հրամանատարը մարտական առաջադրանք ստացավ շարժվել դեպի Փշիշ գետի հովիտը, պաշտպանություն գրավել Ալթուբինալ բնակավայրի շրջակայքի վրա իշխող բարձունքների շրջանում, թույլ չտալ հակառակորդի ճեղքումը Փշիշի հովտում և առաջխաղացումը դեպի Տուապսե՝ Տիխոնովկա-Տուապսե խճուղով։ Կատարելով հրամանը, դիվիզիան հոկտեմբերի 4-ին մտավ Փշիշ գետի հովիտ, շարժվեց Տուապսե-Հաջիջեխի խճուղով, ավանգարդով անցավ Գոյթլ գյուղը և դուրս եկավ Պելիկո խուտորի շրջանը։ Հոկտեմբերի 5-ին այն հակառակորդից մաքրեց Պերեվալնի, Կանժան, Ալթուբինալ բնակավայրերը և գրավեց վերոհիշյալ բարձունքները։ Սակայն թշնամին չէր ուղղում տեղի տալ, էլ ավելի ուժեղացնելով իր 17-րդ բանակի հարվածային խմբավորումը։ Նա դարձյալ նետվեց առաջ՝ ձգտելով ինչ գնով էլ լինի դուրս գալ Փշիշ

16 Ա. Ա. Գրեչկո) Ժակատամարտ Կովկասի համար, Երևան, 1969, էջ 190, Ա. Մ. Հա-կոբյան, Հերոսական մարտերում, Երևան, 1975, էջ 23—24։

17 Ս. Մ. Սարգսյան, Այրվող անտառ, Երևան, 1965, էջ 115։

18 Վերոհիշյալ գունդը և ստորաբաժանումները դիվիզիայի հիմնական ուժերին միացան հոկտեմբերի կեսերին։

գետ, Սեմաշկո լեռ, Գոյթղ, Շահումյան գյուղերի բնագիծ: 408-րդ դիվիզիան, 18-րդ բանակի մյուս միավորումների հետ մեկտեղ, համառ մարտերով փորձում էր կասեցնել հակառակորդի առաջխաղացումը դեպի Օստրովսկի կիրճ, Գոյթղ լեռնանցք և Շահումյան ավան: Դիվիզիայի անձնակազմը հերոսաբար և հաջողությամբ էր կատարում դժվարին առաջադրանքը, սակայն նրա թևերում գործող զորամասերի նահանջի հետևանքով այն հոկտեմբերի 14—15-ին մեկուսացվեց բանակի հիմնական ուժերից և իր թիկունքներից, որոնք գտնվում էին ինդյուկի շրջանում: «Սննդամթերքի և ռազմամթերքի գնդային սուղ պաշարները, չէին կարող ապահովել գործող ստորաբաժանումների նորմալ մարտը,— գրում է Ա. Գրեչկոն:— Մեկ գծի վրա մարտաշարով ձգված 408-րդ հրաձգային դիվիզիան... 6 օր անընդհատ պահում էր 25—30 կիլոմետրանոց գոտին, ամեն օր ետ մղելով հարձակվող թշնամու գրոհները»¹⁹: Կատաղի մարտեր էին մղվում յուրաքանչյուր բարձունքի, ամեն մի արահետի ու թիզ հողի համար: Հակառակորդն ինքնաթիռներից դիվիզիայի գրաված դիրքերում գրտնդվող անտառի վրա դուրսավառ հեղուկ էր շաղ տալիս: Անտառն այրվում էր, բայց, չնայած դրան, դիվիզիայի մարտիկները հերոսաբար դիմադրում էին թըշնամուն, ծանր կորուստների պատճառով նրան և վիժեցնում դեպի Տուապսե շարժվելու նրա պլանը: Վերջապես դիվիզիային հաջողվեց դուրս գալ շրջապատումից և հոկտեմբերի 26-ին կենտրոնանալ Սաղովոդստովո, Պաուկ սար, Լյախի խուտոր շրջանում: Նոյեմբերի 5-ին շրջապատումից դուրս եկավ նաև հերոսաբար մարտնչած 963-րդ հրետանային գնդի 3-րդ դիվիզիոնը:

1942 թ. հոկտեմբերի վերջերին, նոյեմբերի սկզբներին դիվիզիան առաջավոր գծից փոխադրվեց 18-րդ բանակի ռեզերվ՝ Տուապսե քաղաք, իսկ նոյեմբերի 22-ին լուծարվեց ենթարկվեց: Նրա բազայի վրա կազմավորվեց 7-րդ առանձին հրաձգային բրիգադը, որը 1943 թ. հունվարի 3-ից մարտերի մեջ մտցվեց Կրասնոդարի երկրամասում՝ 47-րդ բանակի կազմում: Ապրիլի վերջերին և մայիսի սկզբներին 7-րդ առանձին հրաձգային բրիգադը վերակազմավորվեց 23-րդ հրաձգային դիվիզիայի, որը 47-րդ բանակի կազմում աչքի ընկավ Դենպրի գետանցման ժամանակ, արժանացավ «Կիևյան» և «Ժիտոմիրյան» պատվավոր անվանման, այնուհետև մասնակցեց Հեհաստանի ազատագրմանը: 23-րդ հրաձգային Կիևյան, Ժիտոմիրյան Կարմիր դրոշի և Սովորովի 2-րդ աստիճանի շքանշանակիր դիվիզիան իր մարտական ուղին ավարտեց Էլբայի ափերին:

Հայրենական մեծ պատերազմի տարիներին կազմավորված հայկական ազգային դիվիզիաներից միայն մեկն էր, որ իր կազմավորման օրից մինչև պատերազմի ավարտը շնամակցեց մարտական գործողություններին: Այդ միավորումը 261-րդ հրաձգային դիվիզիան էր, որը կազմավորվեց Երևանում (1942 թ. սեպտեմբերի 29-ից մինչև դեկտեմբերի 8-ը) Անդրկովկասյան ռազմաճակատի 45-րդ բանակի կազմում: Դիվիզիայի քաղաքափնը հրատարակում էր «Մարտ հանուն հայրենիքի» հայերեն թերթը: Դիվիզիայի հիմնական խնդիրն էր պաշտպանել ՍՍՀՄ պետական սահմանները և պատրաստել երթային գումարտակներ:

Սակայն հայ ժողովրդի զավակների մեծ մասը մարտնչեցին ոչ ազգային զորամիավորումների շարքերում: Ընդհանուր առմամբ Հայրենական մեծ պատերազմի տարիներին ինչպես հայկական ազգային, այնպես էլ ինտերնացիոնալ կազմ ունեցող զորամասերում կռվում էին ավելի քան կես միլիոն հայ ռազմիկներ, որոնցից 200 հազարը զոհվեց մարտերում²⁰: Հերոսաբար կատարելով իրենց սրբազան պարտքը, նրանք մեր բազմազգ հայրենիքի մյուս ժողովուրդների զավակների հետ ուս-ուսի, ռուս մեծ ժողովրդի գլխավորությամբ, լինելույան կուսակցության առաջնորդությամբ, արժանի ավանդ ներդրեցին ֆաշիստական Գերմանիայի դեմ տարած պատմական հաղթանակի գործում:

19 Ա. Ա. Գրեչկո, Նշվ., աշխ., էջ 241:

20 Հաշվումները կատարված են մեր կողմից: